

SESIAPA YANG BERIMAN KEPADA ALLAH, ALLAH AKAN MEMIMPIN HATINYA (UNTUK MENERIMA APA YANG BERLAKU ITU DENGAN TENANG DAN SABAR)

[MUTIARA AL-QURAN UNTUK PANDUAN HIDUP]



<https://youtu.be/t7fyKAsprNk>

VIDEO – [Durasi – 3m 42s] – MUTIARA AL-QURAN – Sesiapa Yang Bertawakkal Kepada Allah Nescaya Allah Akan Mencukupkannya

“DAN SESIAPA YANG BERIMAN KEPADA ALLAH, ALLAH AKAN MEMIMPIN HATINYA (UNTUK MENERIMA APA YANG BERLAKU ITU DENGAN TENANG DAN SABAR)” (SURAH AT-TAGHAABUN, AYAT 11)

EKSTRAKS DARI VIDEO

1. Barangsiapa yang beriman kepada Allah, Allah akan memimpin hatinya untuk menerima apa yang berlaku (musibah) dengan tenang dan sabar.
2. Ada ayat al-Quran yang menyebut, maksudnya, "Apa-apa yang berlaku kepada kamu berupa musibah itu adalah dengan izin Allah".
3. Apa-apa yang berlaku, baik atau buruk, adalah dengan izin Allah. Kalau Allah izinkan, tiada siapa yang dapat menghalangnya. Kalau Allah tidak izinkan, tiada siapa yang dapat melakukannya.
4. Orang yang beriman kepada Allah, walaupun kesulitan menimpanya, Allah akan pimpinnya untuk menghadapinya dengan cara menetapkan hatinya supaya bersabar.
5. Apa-apa musibah dan kesusahan seperti kerugian, penyakit dan sebagainya Allah akan tunjukkan hatinya kepada yang terbaik untuknya.
6. Bila bersabar dia akan dapat pahala, jika sakit dia akan diampunkan dosa.
7. Sekiranya hatinya tidak terpimpin ke arah kebaikan, ianya menunjukkan imannya tidak sempurna.
8. Iman yang sempurna akan mendorong seseorang ke arah kebaikan dalam menghadapi malapetaka, iaitu dengan bersabar.
9. Kelebihan iman ialah dapat membimbing seseorang dalam kesusahan atau kesenangan. Dalam kedua-dua keadaan itu, kita akan mendapat pahala.
10. Hadith ada menyebut, adalah menghairankan keadaan seorang mukmin, kalau dia sedih, dia dapat pahala dan kalau dia gembira pun dia akan dapat pahala, kalau dia sakit, dia dapat pahala, kalau dia sihatpun dia akan dapat pahala. Itulah kelebihan orang mukmin yang patut dikagumi.
11. Kita patut rasa bertuah dan bangga kerana kita beriman, kerana banyak kelebihan yang akan kita perolehi.
12. Allah tidak akan biarkan kita sendirian, malah akan sentiasa memimpin kita.

IMAN KEPADA ALLAH MEMANDU SESEORANG UNTUK BERHADAPAN DENGAN SEGALA UJIAN SAMA ADA KESUSAHAN DAN KESENYANGAN. APAPUN UJIAN YANG DIHADAPI, SEORANG MUSLIM AKAN SENTIASA MENDAPAT PAHALA DAN KEUNTUNGAN. ALLAH TIDAK AKAN BIARKAN KITA SENDIRIAN, MALAH AKAN SENTIASA MEMIMPIN KITA.